

Հ. Կ. ԿՈՒՍԻԿՅԱՆ

1964 թ. դեկտեմբերի 29-ին, Մոսկվայում, կյանքի 74-րդ տարում վախճանվեց ականավոր գիտնական-հայագետ, ՍՍՍՐ գիտության վաստակավոր գործիչ, բանասիրական գիտությունների պրոֆեսոր-դոկտոր Հովսեփ Կարապետի Կուսիկյանը:

Հովսեփ Կուսիկյանը ծնվել է Մոսկվայում 1890 թ. անվանի հայագետ, Հաղարյան ձեմարանի պրոֆեսոր Կարապետ Կուսիկյանի ընտանիքում: Հանգուցյալի հայրը և մայրը դասավանդել են հայոց լեզու:

1900 թ. Հ. Կուսիկյանը ընդունվում է Հաղարյան ձեմարանի նախապատրաստական դասարանը, շարունակելով ուսումը գիմնազիայում: 1909 թ., ոսկե մեդալով գիմնազիան ավարտելուց հետո, նա ընդունվում է Մոսկվայի համալսարանի պատմա-բանասիրական ֆակուլտետը և ավարտում այն 1913 թվականին, իսկ 1916 թ. ավարտում է նաև իրավաբանական ֆակուլտետը: Մոսկվայի համալսարանում նրան դասախոսություններ են կարդացել պրոֆեսորներ՝ ընդհանուր պատմության գծով՝ Ռ. Յու. Վիպակերը, իսկ հայոց պատմության գծով՝ Գ. Ա. Խալաթյանցը: Հաղարյան ձեմարանում նա անցնում է ինչ հայերեն, արաբերեն և պարսկերեն լեզուների դասընթացները: Մոսկվայի համալսարանը նա ավարտում է լեզվաբանական լուրջ գիտելիքներ ձեռք բերելով, մասնագիտանալով հատկապես Բյուզանդիայի պատմության ուղղությամբ:

1913 թ. Հ. Կուսիկյանը դառնում է Հաղարյան ձեմարանի ուսանց և հայոց լեզուների դասատու, իսկ 1920 թվականից եղել է կենդանի արևելյան լեզուների Կենտրոնական ինստիտուտի հայոց լեզվի ամբիոնի վարիչ: Իր մանկավարժական գործունեությունը (1918—1921 թթ.) նա համատեղում էր ազգային գործերի ժողովրդական կոմիսարիատում կատարած աշխատանքի հետ, լինելով Հայկական բաժանմունքի քարտուղար:

1921—24 թթ. Հ. Կուսիկյանը Սմոլենսկի համալսարանի ընդհանուր պատմության պրոֆեսոր էր, դասախոսություններ էր կարգում հեղափոխական շարժումների պատմության զասընթացով: 1924 թ. Սովետական Հայաստանի կառուվարությունը նրան առաջ է քաշում ՍՍՐԴ օրենքների՝ «Вестник ЦИК, СНК и СТО СССР»-ի հայերեն թարգմանության պատասխանատու խմբագրի պաշտոնում: Այնուհետև, տեղափոխվում է ՍՍՐԴ ԺԿԽ-ի «Собрание законов СССР»-ի խմբագրելու աշխատանքին, այդտեղ մնում է մինչև 1930 թ.: 1926—1928 թթ. Ազգային և էթնիկական կուլտուրաների ինստիտուտում նա ունեկցում է Ն. Յա. Մառի դասախոսությունները ընդհանուր լեզվաբանության հարցերի շուրջ, հատուկ կուրս անցնում «Հայերեն և վրացերեն լեզուներն իրենց նմանություններով ու տարբերություններով» թեմայով:

1930 թ. Հ. Կուսիկյանը ավագ գիտական աշխատողի պաշտոնով աշխատանքի է անցնում Արևելքի ժողովուրդների ինստիտուտում, որը հետագայում վերանվանվեց ՍՍՐԴ ԿԳԿ-ին առընթեր Ազգությունների ինստիտուտի (ավելի ուշ ՍՍՐԴ ժողովուրդների լեզվի ու գրականության ինստիտուտ), որտեղ աշխատում է մինչև 1940 թվականը, գիտական գործունեությունը զուգակրելով մանկավարժական աշխատանքի հետ: 1931—32 թթ. մանկավարժական ինստիտուտում (այժմ Վ. Ի. Լենինի անվան), ինչպես նաև Արևելքի ժողովուրդների ինստիտուտի աստիճանների համար նա դասախոսում է ընդհանուր լեզվաբանություն: 1936—1937 թթ. նրանի համալսարանում և մանկավարժական ինստիտուտում նա հայերեն լեզվով դասախոսել է Բյուզանդիայի պատմություն և ընդհանուր լեզվաբանություն, դասախոսություններ կարդացել նաև Մոսկվայում՝ փիլիսոփայության, գրականության և պատմության ինստիտուտներում:

Հայրենական մեծ պատերազմից հետո Հ. Կուսիկյանը ՍՍՐԴ ԳԱ լեզվի և մտածողության ինստիտուտի, իսկ 1950 թ. սկսած ՍՍՐԴ ԳԱ լեզվաբանության ինստիտուտի ավագ գիտական աշխատող էր: 1945 թ. Հ. Կուսիկյանը ընդունվում է ՍՍՀՄ շարքերը:

Բաղմարովանդակ է Հ. Կուսիկյանի գիտական-մանկավարժական գործունեությունը, որն ար-
տահատուկ է ավելի քան 100 գիտական հոդվածներում և աշխատություններում: Նրա բաղ-
մայա աշխատանքի արդյունք է հանդիսանում 1950 թ. ՍՍՄԿ ԳԱ հրատարակությամբ լույս
տեսած «Грамматика современного литературного армянского языка» մեծարժեք աշխա-
տությունը, որի մեջ տրված է հայերենի քերականության բոլոր բաժինների՝ հնչունարանության,
ձևարանության, բառակազմության և շարահյուսության հանգամանալից քննությունը:

Կյանքի վերջին տարիներին Հ. Կուսիկյանը գրեց ևրեք գիտական մենագրություն՝
«Очерки исторического синтаксиса армянского языка» (Москва, Изд. АН СССР, 1959),
«Изменения в словарном составе армянского языка» (Москва, Изд. АН СССР, 1964),
«Сравнительная характеристика восточного и западного вариантов современного лите-
ратурного армянского языка», որը գեղեկ հրապարակված չէ և գտնվում է «Наука» հրատա-
րակչությունում: Նրա հեղինակությանն են պատկանում նաև բաղմաթիվ հոդվածներ, գրախոսու-
թյուններ և դասընթացներ, ինչպես «История Византии» (դասախոսություններ կարդացված
1936 թ. 11 փետրվարի, 30 մամուլ ծավալով), «Историография» (դասախոսություններ կար-
դացված նրեանի համալսարանում 1936 թ.) և այլն:

Պրոֆ. Հ. Կ. Կուսիկյանը մեծ ավանդ է մուծել հայագիտության մեջ, նախապատրաստել է
լեզվագետ և պատմաբան բաղմաթիվ հայագետների: Հանձինս Հ. Կուսիկյանի մեր գիտությունը
կորցրեց ականավոր գիտնականի, որը որոշակի դեր է խաղացել հայագիտության զարգացման
գործում: Բայց ամենակարևորը, որ մեր կողմից երբեք չի մոռացվի, դա Հ. Կուսիկյանի արտա-
սովոր էրուդիցիան էր, նրա գիտելիքների բաղմակողմանիությունը, որը զուգակցվում էր պար-
զության համեստության և արտասովոր մարդկայնության հետ:

Լ. ՏԵՐ-ՄԿՐՏՉԱՆ